

ECONOMIA

Savognin: examens da professiun tar Uffer SA

Collaboratours qualifitgias

● **comm.pi. Treis amprendists e dus collaboratours digl cader on termino lour ampredissadi e scolaziun a Savognin. Digls amprendists èn dus legnamers ed egn mirader.**

Igls dus indigens, Claudio Casparin da Savognin e Tizian Demarmels da Salouf on termino lour ampredissadi da legnamer tar Uffer Holz SA. Igl antier travagl sa legra da chel bel success e giaeveischa agls giovens legnamers bler plascheir an lour mastier. Mario Balzer da Tgazzas, ò termino igl ampredissadi da mirader scu sagond migler digl cantun cun la nota 5.3. Bravo Mario, chegl è sto ena stupenta lavour! El ò gio la proxima etappa professiunala an vista. La firma giaeveischa venavant buna perseveranza ed angratzga per igl sies angaschamaint.

Novs collaboratours da cader

Daniel Meinel e Loïc Géry on termino lour scolaziun accompagnonta agl mastier cun success.

Daniel Meinel ò reuschia igl diplom scu tecnicist an construcziun da lenn HF cun success. Loïc Géry ò fatg igl prediplom scu polier da construcziun da lenn. Tots dus on fatg en post segl podest a caschung d'ena concorrenza internaziunala. Bravo!

Cordiala gratulaziun digl antier travagl e dalla direziun e tot bung venavant sen veia privata e professiunala.

Buna scolaziun è impurtanta

Graztga agl angaschamaint da tots collaboratours dallas impresas Uffer, sa sviluppescha la bransch anavant per rastar alla testa d'ena construcziun effizienta chegl tgi pertotga l'energeia. La promoziun da scolaziun da tots collaboratours aint igl agen travagl è pi imputanta tgi mai. Collaboratours bagn qualifitgias èn cumpetents an lour rom e mutivos ainten la lavour quotidiana. La firma Uffer porscha a giuvenils posts d'ampredissadi attractivs e promova e sustigna collaboratours tgi sa scoleschan anavant.



Treis tgi on saro giu igl mastier cun igls examens professionals tar la firma Uffer a Savognin: (da san.) Claudio Casparin e Tizian Demarmels scu legnamers e Mario Balzer scu mirader

A parteir digl avost antscheva l'amprema amprendista igl ampredissadi ainten la partiziun da planisaziun. Chegl scu dessigniedra an direziun digl rom architectura.

TURISSEM

Ruigna Belfort: iert dad ervas

Ervas per igl mintgade

● **comm./pi. L'Uniu museum local Vaz ò amplanto en iert dad ervas tar l'antieriura ruigna digls barungs da Vaz. Sonda, igls 28 da fanadour, allas 14.30 vign chel iert avert uffizialmaintg.**

Igls anteriours abitants digl casti da Belfort, igls barungs da Vaz, nizigivan la forza dallas ervas scu bung aroma peruschinar, scu erva medicinala e scu ervas tgi davan simplamaintg ena bun'odour.

Cungeir, misdinar, odurar

A chegl duess igl nov iert dad ervas cun las sias 50 sorts plan-

tignas regurdar. Ena brochura illustrada nomna las ervas e rachinta agls visitaders istorgias sur dalla vigour dallas singulas plantignas sot igl tetel: «cungeir-misdinar-odurar».

Per l'avertura da chel iert, noua tgi tots èn anvidos da piglier part, vign er preschento en matg flours musical. Elisabeth Sulser, flauta e Robert Grossmann, gitarra barocca e mandolina sungan «fiori musicali». Curts plets digl iniziants anritgeschan l'avertura digl iert dad ervas, scu er en apéro tgi s'è adatto alla carta da menu medievals.

EMDA ECCLESIASTICA

Dumengia igl 22-07-2012

Alvagni Bogn:	sonda	17.30 s.messa.
Alvagni-vischn.:	dumengia	10.00 s.messa
Alvaschagn:	dumengia	09.00 s.messa rum.
Beiva:	sonda	18.00 s.messa
<i>per igls refurmos:</i>	dumengia	10.00 cult divin
Brinzauls:	dumengia	10.30 s.messa rum.
Casti:	dumengia	09.00 s.messa
Cunter:	dumengia	09.00 s.messa
Filisour:		
<i>per igls refurmos:</i>	dumengia	nign cult divin
Lai	dumengia	09.30 s.messa tud.
Lantsch:	dumengia	10.00 s.messa
Mon:	dumengia	09.00 s.messa rum.
Mulegns:	dumengia	09.00 s.messa rum.
Parsonz:	dumengia	19.30 s.messa
Riom:	dumengia	10.30 s.messa
Rona:	dumengia	09.00 s.messa
Salouf:	dumengia	10.00 s.messa
Savognin:	sonda	19.30 s.messa s. Mitgel
	dumengia	10.15 s.messa s. Martegn
<i>per igls refurmos:</i>	dumengia	nign cult divin
Stierva:	dumengia	10.30 s.messa e processiu
Sur:	dumengia	10.30 s.messa rum.
Tinizong:	dumengia	10.15 s. messa
Valbella:	sonda	18.00 s.messa tud.
Vaz/Zorten:	dumengia	11.00 s.messa tud.